



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

Formula XXXV. Licentiae pro Praedicatore quadragesimali.

**urn:nbn:de:hbz:466:1-10456**

eius viri doctissimi cura, & opera libri in lucem jam editi in omnium ore cum communi utilitate versantur. Ipse vero Augustinus bonis moribus praeditus, nullius criminis infamia laborat, nullo impedimento à sacrorum in primisque Presbyteratus Ordinis exercitio prohibetur, est quen homo stature mediocris, coma capit is, ac barba rubra, cicatrice in sinistra capitis parte locata, facie alba, etatis circa triginta annorum. Quare Illustrissimas & Reverendissimas Dominationes Vestras, Illustrissimi Praesules, vosque Dominos Officiales Reverendissimos obnixie deprecamur, ut N. Presbyterum Augustinum Barbosam praedictum in vestris singulis Dicēsisibus, seu Ecclesiis benignè ac charitatib[us] recipi, ac tractari, eique necessaria ad Sanctissimum Missæ Sacrificium peragendum, reliquaque ordines exercendos, curetis, & jubeatis; similiiter & nos quidquid ab Illustrissimis, & Reverendissimis Dominationibus vestris, ac vestris officialibus, & ministris per suas nobis literas fuerit injunctum, ac commendatum, libentissime suscipiemus, & promptissime exequemur. Dat. Bracharæ Augustæ sub signo nostro, sigilloque hujus Curiae pridie Idus Aprilis, anno à Nativitate Domini M. DC. XX. &c.

\*\*\*\*\*  
FORMULA XXXIV.

*Facultatis celebrandi pro Presbytero aliena Diœcesis.*

D Rodericus, &c. Dilecto nobis in CHRISTOR. Presbytero N. diœcesis N. salutem in Domino sempiternam. Cognita sacrarum ceremoniarum peritia tua, perspectisque ordinarii tui litteris, commendatius facultatem tibi concedimus ad menses.... Missæ sacram faciendi in Urbis, & diœcesis nostræ Bracharenis, quæ tamen Monialium non sint, consensu tamen earundem Ecclesiarum Rectorum, vel vice Rectorum accidente, & dummodo in habitu & tonsura incedas, & in altari non petas eleemosynam. In quorum fidem, &c. Dat. &c.

\*\*\*\*\*  
FORMULA XXXV.

*Licentia pro Prædicatore quadragesimali.*

D Rodericus &c. Universis, & singulis presentes nostras literas inspecturis, lectoris pariter, & audituris, Salutem in Domino sempiternam. Cū proprium nostri muneric sit, animarum nostræ Bracharenis diœcesis saluti consulere, divinique cultus incrementum semper curare, quadragesimali tamen tempore commisso nobis gregi majori studio invigilandum videtur.

detur. Quare cùm in oppido N. nostra dicensis de idoneo Concionatore à nobis profutura. Quadragesima providendum sit, te R. Fratrem N. Ordinis S. N. de vita, morum integritate, ac scientia à tuo superiore multipliciter commendatum, ut nobis per patentes ipsius literas constat, prævia fidei professionis per te coram nobis emissione, verbi Dei Prædicatorem predicto oppido N. in toto quadragesimali tempore facimus, deputamus, & nominamus, & mandantes R. Rectori, Clero, & populo dicti oppidi, ut benignè te recipient & in omnibus ut decet excipere curent: & insuper tua stante approbatione tibi facultatem concedimus, ut durante dicto quadragesimali tempore in prædicto oppido Sacramentum pœnitentiæ administrare, & Christi fidelibus peccata sua confitentibus absolutionem impertiri valeas cum facultate absolvendi etiam à casibus nobis reservatis à Dominica palmarum per totam octavam Paschæ duratura. In quorum fidem &c. Dat. &c.

## FORMULA XXXVI.

*Licentia pro Prædicatore in Ecclesiæ Monialium.*

D. Rodericus, &c. Tibi R.P. N. Ordinis S. N. à superiore tuo & à nobis approbato facultatem concedimus, ut in Ecclesia exteriori monasterii Monialium S. N. quæ clausa sit, nullique auditores præsentes adsint, exceptis capellano & socio tuo, possis ex suggestu verbum Dei die.... prædicare cù devotione, & juxta S. Ecclesiæ Romanae doctrinam & peracta conctione statim ab Ecclesia discedas, nullo propterea colloquio, aut quovis negotii genere ad crates, rotas, aut alia loca intermixto sub quovis pietatis, aut etiam consanguinitatis prætextu, nec munere ullo etiam minimo accepto juxta formam Bullæ felicis record. Clementis Papæ VIII. Sub pœnis arbitrio nostro &c. In quorum fidem &c. Dat. &c.

## CIRCA INDULGENTIAS.

**N**e nimia facilitate Ecclesiastica disciplina enervetur, statuit. Conc. Trident. sess. 25. in decreto de Indulg. ut in illis concedendis moderatio juxta veterem, & probatam in Ecclesia consuetudinem adhibeatur. Vetus autem consuetudo desumitur ex text. in cap. cum ex eo 14. prope fin. de Pœnit. & remiss. ubi decernitur ut cum dedicetur Basiliæ, non extendatur Indulgentia ultra annum, sive ab uno solo, sive à pluribus Episcopis dedicetur, & deinde in anniversario dedicationis tempore quadraginta dies

E

ta dies